

Segun Promer Ministro Oduber:

E contrato cu Coastal y su beneficienan pa pueblo ta multiple

ORANJESTAD(AAN)- Promer Ministro Oduber, relaciona cu e contrato firma cu Coastal pa reapertura di e refineria na San Nicolas y su beneficienan multiple pa e pueblo di Aruba en general y pa San Nicolas en particular a reitera ariba diferente puntonan importante di e contrato sperando di a contraresta ponencianan como sifuera cu e contrato cu Coastal lo no ta na beneficio di e pueblo.

Tocante erfpacht Promer Ministro Oduber a bisa cu tur ora por lesa cu gobierno lo a duna e tereno na erfpacht pa f.2.50 pa m2 y cu esaki lo ta un crimen. Promer Ministro a bisa cu tur hende sa cu den e contratonan cu A.V.P. a firma dia 15 di April 1987 cu grupo Whiteford y 3 di Juli 1987 cu Manrique cu A.V.P. a traha un trampa pa ambos grupo pa nan no logra habri e refineria atrobe. Di unda A.V.P. tin e pudor di kier instiga pueblo cu gobierno lo a regala Coastal e tereno pa un balor di tereno di Af. 2,50 p/m2 mientras cu e prijs aki ta nan mes a stipula, Promer Ministro a bisa.

Por a leza tambe cu gobierno lo a regala un powerhouse. Segun Promer Ministro den e contratonan firma cu grupo Manrique y Whiteford ta skirbi pa entrega henter e refineria - no un tercera parti - pa solamente un Dollar. Pueblo mes por a leza cu A.V.P. na 1987 a firma cu dos grupo pa pasa henter e refineria plus power-house pa 1 Dollar. Kiermeen tur cos "as is, where is".

E motibo pakico gobierno a traha ariba e reapertura di e refineria ta cu mester diversifica e economia y reparti e riesgonan economico ya cu gobierno di A.V.P. a desarolla un economia artificial cu no tabata un arte, pasobra tabata cu garantia 100% di pueblo a construi mas hotel y tambe fuera di e garantia a duna tur hotel 11 aña di tax holiday, esta sin paga belasting.

Promer Ministro a sigui bisa cu Coastal no tin ningun garantia di gobierno, solamente nan a haya tax-holiday, mescos cu gobierno di A.V.P. a firma dia 15 di Juni 1987 cu grupo Whiteford y dia 13 di Juli 1987 pa duna grupo Manriquez. Ta di unda A.V.P. ta saca awor cu Coastal no ta bay paga belasting, anto nan mes a firma cu dos grupo pa no paga belasting, hayando tax holiday pa 10 aña.

E caso di e suma pa trahador cu ta bini di afor segun Promer Ministro ta asina cu gobierno a pone den e decreto cu un inversionista cu ta hinca mas cu 100 Millon Dollar den un proyecto lo ser exonera di e obligacion aki. Coastal ta inverti den un aña 130 Millon Dollar den e refineria.

Durante operacion e presupuesto lo ta anualmente \$80.000.000,-. E gastonan di reactivacion ta exige un werkkapitaal di \$180.000.000. Coastal lo paga na salario anualmente + 16 Millon Dollar y lo compra un promedio di 9 Millon Dollar na material.

Na venta di awa, loonbelasting di 450 trahador na e momento di reapertura; erfpachtscanon, local ta safe na fuel-oil, spaarmento di inversion den W.E.B. directo ariba electricidad, e entradanan ta mas cu 20 Millon Florin pa aña. E generacion di divisas ta worde calcula pa exportonan na mas of menos 50 Millon Dollar.

Lo tin 400/450 Arubiano cu lo haya trabao directo den e refineria. Ora e refineria habri segun contrato no mag tin mas cu 20 Americano den e refineria. E multiplier effect den cuponan di trabao mester worde multiplica cu un factor 4, esta mas cu 1800 hende lo tin un entrada door di presencia di un refineria.

Si calcula e efecto pa local ta compra di material, uzo di contratistanan, machine shopnan, agencia di bapor, entrada pa Aruba Ports Authority, aseguro, docter, etc, segun Promer Ministro e por bisa cu e ta representa basta Millones di Florin. Si analisa e confianza pa e clima di inversion y actividadnan industrial cu un refineria lo trece pa Aruba e ta inmensamente grandi. E motivacion cu presencia di un refineria ta duna e pueblo esta di e personanan cu ta preparando nan mes na schoolnan tecnico ta un otro efecto positivo. Gobierno tur dia por defende tur caminda cu reapertura di e refineria ya cu tabata un mester pa e economia y cu e ta na bienestar di e pueblo.

Promer Ministro Oduber tambe a bisa tocante e "throughput fee". El a bisa entre otro cu con por habri un refineria anto no tin un terminal pa ricibi bapornan grandi, no tin suficiente tanki y e pompnan a worde pasa pa Wickland! Pa por a logra mester a negocia hopi tempo cu Wickland, pasobra sin e terminal y e tankinan no tin reapertura. E posicion di Wickland tabata hopi fuerte, debi cu nan tabata tin un letter of intent di gobierno di A.V.P. y un contrato firma na April 1989 cu e gobierno actual.

A base di e situacion, unda mester hinca Millones pa construi tanki y cu Coastal mester paga Wickland pa uzo di tur su facilidatnan gobierno a yega na un understanding ariba e promer 5 añanan pa e throughput fee. Si Wickland no tabata tin un contrato a stroba henter e reapertura, gobierno por tabata den un situacion pa negocia diferente.

Wickland a presenta hopi promer cu Coastal y esey a dificulta e negociacionnan. E caso tabata un compromis, pa por a haci e deal posibel.

E asunto di baha e erfpachtscanon di Wickland ta situacion logico gobierno anterior a firma dos vez pa dos compania pa e tereno di Lago pa Af.2,50 m2. Gobierno di M.E.P. no por discrimina y trata Wickland diferente. Locual Wickland a haya ta mescos cu Coastal y cu


locual gobierno di A.V.P. kier a duna grupo Whiteford y grupo Manrique. Gobierno di A.V.P. a regala e terminal pa 2.5 Millon Dollar pa Wickland, ta e gobierno actual a renegocia e suma di 6.5 Millon Dollar. E gobierno aki ta sigur cu presencia di Coastal aki na Aruba - sin garantia di gobierno - lo trece masha hopi actividadnan economico pa henter pueblo, Promer Ministro a sigui bisa.

Pueblo por ta sigur cu e

desaroyo economico aki lo beneficia nos tur. E actividadnan ta hopi grandi pa economia y ningun compania ta hinca 260 Millon den un refineria, djiez pa practica. Gobierno contrario na e hotelnan cu gobierno ta para 100% garantia, tin un garantia cu Coastal lo opera e compania 5 aña y depende di e aspectonan economico lo por bay 15 aña mas.

Gobierno tin e caso den corte

Sigui lesa pag.21



It's hard to resist the taste of McDonald's® in the morning.

Why even try to resist our fluffy, farm fresh scrambled eggs and sizzling pork sausage? Our tender, buttery hotcakes? Or our one-of-a-kind Egg McMuffin?

Give in. And start your day right with a good hot breakfast at McDonald's.



IT'S A GOOD TIME FOR THE GREAT TASTE

